



INUIT ATAQATIGIIT INATSIARTUNI

Ulloq: 28. maj 2008

Inatsisartut Suleriaasianni § 36, imm. 1 naapertorlugu Naalakkersuisunut apeqput imaattoq matumuuna saqqummiuppara:

§ 36 imm. 1 apeqputit inatsisartuni aalajangiiffigisassat piviusunngortinneqanngitsunut tunngasut nanginneri.

1. § 36 imm. 1 apeqputiga apeqput 2008-3 akissuteqarfigineqarmat neriorsuutaavoq takussutissiaq 2008-mi februari qiteqqutsinnagu nassiunneqassasoq. Naalakkersuisut qularnangitsumik puigornikkut takussutissiaq kissaatigineqartoq sulii nassiussimannnginnamikku inussiarnersumik qinnutigissavara kingusinnerpaamik matumani apeqputinut akissutit ilanngullugit.
2. Takussutissiaq naatsorsuutigisatut inaarsarneqarsimanngippat ilisimatitsissutigigeqquneqarpoq qanga takussutissiaq suliaralu aallartittoqarsimanersoq, maannakkumiit qaqugu inaarneqassangatinneqarnerseq, aamma suliaralugu sooq sulii inaarneqarsimannnginnerseq.
3. Naalakkersuisut isumaqarpat Naalakkersuisut *namminneq* suliaannut iluaqutaassanersoq, Naalakkersuisut Inatsisartunit peqquneqarneranni Naalakkersuisut suliaannut peqqussutigineqartunut pitsaanerusumik takussutissaqaralarunik?
4. § 36 imm. 1 apeqputiga apeqput 2006-63 innersuussutigalugu, Naalakkersuisut Naalagaaffimmi Oqartussaasunut saaffiginnippat? Taamaattoqarpat Naalagaaffimmi Oqartussat akissutaata nuutinnerata tunniunneqarnissaa kissaatiginarpoq. Kissaatiginarportaaq nalunaarutigineqassasoq taaneqartumi inatsisissatut siunnersuut pineqartoq "*piviusorsioortumik*" naleqqunnerpaamillu qaqugu saqqummiunneqarsinnaasutut Naalakkersuisut isumaqarfigineraat.
5. Suliani siuliani pineqartuni Naalakkersuisut pingaarutilinnik allanik ilisimatitsisinnaappat?

(Inatsisartunut ilaasorta q Esmar Bergstrøm, Inuit Ataqatigiit)

Tunngavilersuutit.

11. januar 2008-mi (2008-3) Inatsisartut aalajangiinerisigut Naalakkersuisut saqqummiusseqqullugit pisussanngortinneqarnerisigut Naalakkersuisut qinnuigivakka inatsissatut siunnersuutitut il.il. takussutissiisummik saqqummiusseqqullugit, kisiannili sulii maannamut taamatut pisoqanngilaq.

22. januar Naalakkersuisunit akissuteqarfigineqarpunga. Akissummi atuarneqarsinnaavoq Inatsisartut Naalakkersuisunit suliniuteqarnissamut qanoq piumaffigineqartarnerat Naalakkersuisut Siulittaasuata ataatsimut isigalugu ilisimasaqarfiginngikkai. Tamannarpiaq pissutigaluguttaaq Naalakkersuisut Siulittaasuata apeqqutikka annertunerusumik akissuteqarfigisinnaanngilai. Taamaakkaluartorli Naalakkersuisut Siulittaasuata nalunaarpoq, aalajangiiffigisassatut siunnersuutit akuerineqartut pillugit takussutissiortoqassasoq, qinigaaffiup matuma iluani Naalakkersuisut iliuuseqarnissaannut pisussaatisisunik.

2006-imi augustimi (2006-63) Kalaallit Nunaata Haag-imi isumaqatigiissutinik assigiinngitsunik akuersissuteqarnissaanut tunngasunik Naalakkersuisunit apeqquteqaateqarpunga, ilaatigut apeqquteqaateqarfigalugit meeqqat pilersortariaqarnerinut tunngasunik aalajangiussinernik akuersaarnerisalu naammassinerinut tunngasoq 15. april 1958-imeersoq, kiisalu pilersortariaqakkanut tunngasunik aalajangiussinermut akuersaarnerisalu naammassinerinut tunngasoq 2. oktober 1973-imeersoq. 15. oktober 2006 Naalakkersuisut allakkatigut akippit, Naalakkersuisut suliamut tunngasumik naalagaaffimmi oqartussaasunut saaffiginnissuteqarusunnerusut, taamannalu tunuliaqutaralugu inatsisissamut siunnersuut pineqartoq piviusorsioortumik 2007-ip qiteqqunnerani naatsorsuutigineqarsinnaassasoq.

Inussiarnersumik qinnutigissavara ullumikkumiit sapaatip akunneri marlut qaangiuttinnagit allakkatigut elektroniskimillu danskisut kalaallisullu akineqarnissara ukunanut: esbe@gh.gl nuutinneralu landstinget@gh.gl.